

Erindisbréf fyrir framkvæmda- og hafnarráð

Stjórnskipuleg staða

Framkvæmda- og hafnarráð starfar í umboði bæjarstjórnar að verklegum framkvæmdum, viðhaldi eigna og gatna, fráveitumálum og hafnarmálum samkvæmt lögum og reglugerðum er þar að lúta og því sem bæjarstjórn felur henni.

Skipan nefndarinnar

Í framkvæmda- og hafnarráði eiga sæti fimm fulltrúar sem bæjarstjórn kýs til fjögurra ára, að afloknum sveitarstjórnarkosningum, samkvæmt sveitarstjórnarlögum nr. 138/2011 og samþykkt um stjórn og fundarsköp Vestmannaeyjabæjar nr. 991/2020. Á sama hátt eru kjörnir fimm fulltrúar til vara. Auk kjörinna fulltrúa á bæjarstjóri rétt á að sitja fundi nefndarinnar, með málfrelsi og tillögurétt. Nefndin getur einnig boðið öðrum til fundar varðandi tiltekin mál.

Formaður og varaformaður eru kosnir af bæjarstjórn. Ritari framkvæmda- og hafnarráðs er sviðsstjóri umhverfis- og framkvæmdasviðs Vestmannaeyjabæjar.

Hlutverk

Hlutverk framkvæmda- og hafnarráðs er að fara með verkefni sem varða verksvið sveitarfélagsins í framkvæmdum, viðhaldi, fráveitumálum og hafnarmálum.

Ráðið hefur eingöngu heimild til þess að stofna til útgjalda á grundvelli gildandi ákvæða í fjárhagsáætlun sveitarfélagsins hverju sinni. Hafi afgreiðsla ráðsins í för með sér fjárútlát umfram áður veittar heimildir, skal slík afgreiðsla ætíð lögð fyrir bæjarráð og bæjarstjórn og öðlast hún ekki gildi fyrr en með samþykkt bæjarstjórnar.

Nefndin gerir tillögur til bæjarráðs og bæjarstjórnar og meðal hlutverka hennar er:

- Hvers kyns ákvarðanir varðandi starfsemi Vestmannaeyjahafnar með þeim skilyrðum sem fram koma í 3. gr. hafnarreglugerðar fyrir Vestmannaeyjahöfn nr. 1030/2012.
- Aðrar ákvarðanir sem framkvæmda- og hafnarráð ber að afgreiða skv. hafnalögum, reglugerð fyrir Vestmannaeyjahöfn, lög um uppbyggingu og rekstur fráveitna og reglugerð um fráveitur sveitarfélaga. Nr. 991 28. september 2020.
- Framvinduskýrslur vegna verklegra framkvæmda á vegum sveitarfélagsins.
- Samþykkt tilboða og úthlutun verkefna skv. innkaupareglum Vestmannaeyjabæjar.
- Að fylgja eftir samþykkttri stefnu í málaflokkum ráðsins hjá sveitarfélaginu.
- Að vera ráðgefandi fyrir bæjarstjóra, bæjarráð og bæjarstjórn í þeim málaflokkum sem undir ráðið heyra.
- Að yfirfara drög að fjárhagsáætlun vegna þeirra málaflokka sem undir starfssvið ráðsins heyrir og eftir atvikum koma með tillögur að breytingum.

- Að sjá um önnur þau verkefni sem bæjarstjórn felur ráðinu á sviði framkvæmda og hafnarmála.

Ráðið skal leitast við að ná því grundvallarmarkmiði að tryggja að ákvarðanir þess og athafnir séu ávallt í þágu allra íbúa sveitarfélagsins og að fulltrúar í ráðinu setji ávallt almannahagsmuni ofar öðrum hagsmunum.

Sé ráðinu ekki falið að taka fullnaðarákvörðun um mál, skv. lögum eða samþykkt um stjórn sveitarfélagsins, teljast ályktanir þess tillögur til bæjarstjórnar, enda þótt þær séu orðaðar sem ákvarðanir eða samþykktir ráðsins. Slíkar ákvarðanir þurfa því staðfestingu bæjarstjórnar.

Starfshættir

Um starfshætti ráða er fjallað í samþykkt um stjórn og fundarsköp Vestmannaeyjabæjar nr. 991/2020 og skal þeim fylgt þar sem við á, s.s. um boðun funda, fundargerðir, stjórn á fundum, fundarsköp o.fl.

Framkvæmda- og hafnarráð kemur saman fyrir luktum dyrum á fastákveðnum fundartíma, samkvæmt fundaáætlun. Skal ráðið gera samþykkt um fundaráætlun á sínum fyrsta fundi, að höfðu samráði við bæjarstjóra. Sé um að ræða fund, sem ekki er gert ráð fyrir að sé á samþykktari fundaráætlun, skal formaður tilkynna fulltrúum ráðsins um áætlaðan fund eigi síðar en 5 sólahringum fyrir áætlaðan fund. Aukafundi skal halda eftir þörfum að ákvörðun formanns eða ef bæjarstjóri eða a.m.k. þrír fulltrúar ráðsins óska þess.

Formaður sér um boðun funda. Fundarboðun skal vera skrifleg eða rafræn með tölvupósti, þar sem fundarstaður er tilgreindur, tími og dagskrá fundar. Fundarboð skal sent fulltrúum ráðsins og öðrum sem seturétt hafa á fundum eigi síðar en tveimur sólahringum fyrir fund.

Fundur telst ályktunarhæfur ef meirihluti kjörinna ráðsmanna er mættur á fund. Í atkvæðagreiðslu ræður afl atkvæða. Mál telst fallið í atkvæðagreiðslu ef atkvæði falla að jöfnu.

Formaður skal halda bæjarstjóra upplýstum um störf ráðsins.

Eftirfylgni

Formaður ráðsins skal snúa sér til sviðsstjóra umhverfis- og framkvæmdasviðs og/eða hafnarstjóra með eftirfylgni staðfestra samþykktaráðsins.

Réttindi og skyldur nefndarmanna

Um réttindi og skyldur aðal- og varamanna í ráðsinu gilda ákvæði sveitarstjórnarlaga og samþykktar um stjórn og fundarsköp Vestmannaeyjabæjar nr. 991/2020 eftir atvikum.

Fulltrúa ráðsins er skylt að sækja fundi nema lögmæt forföll hamli. Skal hann tilkynna forföll til fundarboðanda og óska eftir því að varamaður verði boðaður.

Hver fulltrúi á rétt á að koma máli á dagskrá fundar, enda skilar hann efni þess til formanns a.m.k. þremur sólarhringum fyrir fund.

Fundarmenn skulu hafa almannahagsmuni og hag sveitarfélagsins að leiðarljósi við störf sín en eru ekki bundnir af öðru en sannfæringu sinni, lögum og samþykkt um stjórn og fundarsköp Vestmannaeyjabæjar nr. 991/2020 í atkvæðagreiðslu um málefni á vegum ráðsins.

Fulltrúar í ráðinu og þeir sem sitja fundi þess eru bundnir þagnarskyldu. Óheimilt er að greina frá ummælum einstakra fundarmanna á fundum. Sama gildir um atriði sem aðilar fá vitneskju um og leynt skulu fara eðli máls samkvæmt. Þagnarskylda helst þó að látið sé af störfum.

Fulltrúi ráðsins skal víkja af fundi við umræður og afgreiðslu mála sem varða hann sjálfan, skyldmenni hans eða nána venslamenn svo mjög að ætla má að það móti viljaafstöðu hans að einhverju leyti.

Ráðið tekur ákvörðun um hæfi fulltrúi ráðsins. Fulltrúi sem hlut á að máli tekur þátt í atkvæðagreiðslu um hæfi sitt. Ráðsfulltrúi sem er vanhæfur til meðferðar máls má ekki taka þátt í meðferð þess eða hafa áhrif á það með öðrum hætti og skal ávallt yfirgefa fundarsal við meðferð þess og afgreiðslu.

Lög og reglugerðar

Í störfum sínum skal ráðið taka mið af þeim lögum og reglugerðum sem undir starfssvið hennar heyrir.

Samþykkt í bæjarstjórn 1. júlí 2026